

OKVIRNI SPORAZUM

ZA NABAVKU

„ADAPTACIJE-REKONSTRUKCIJE PASIVNE MREŽE”

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička br. 2 (u daljem tekstu Ugovorni organ), kojeg zastupa v.d. direktorica Zilha Ademaj, dipl. oec.

i

MIBO KOMUNIKACIJE d.o.o. Sarajevo, ul. Tvornička br. 3 (u daljem tekstu Dobavljač), kojeg zastupa direktor Marko Boštjančić.

PREDMET OKVIRNOG SPORAZUMA

Član 1.

Predmet ovog Okvirnog sporazuma je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem otvorenog postupka za nabavku roba i radova „adaptacije-rekonstrukcije pasivne mreže” za potrebe Zavoda zdravstvenog osiguranja Kantona Sarajevo, na osnovu Zahtjeva za pokretanje postupka javne nabavke broj 04-04-11121/18 od 20.11.2018. godine, Odluke o pokretanju postupka broj 03-08-Dž.H.N.-11121-POPP/18 od 23.11.2018. godine, Rješenja o imenovanju komisije broj 03-08-Dž.H.N.-11121-PP-RK/18 od 24.01.2018. godine, tenderske dokumentacije broj 03-08-Dž.H.N.-11121-PP-TD/18, objave obavještenja broj 814-1-1-68-3-65/18 od 31.12.2018. godine sa sažetkom objavljenim u listu "Službeni glasnik BiH", broj 1/19 od 11.01.19. godine, ponude Dobavljača broj PON-100/19 od 29.01.2019. godine, a u skladu sa Odlukom o izboru najpovoljnijeg ponuđača broj 03-08-Dž.H.N.-11121-OI/18 od 22.03.2019. godine.

PREDMET NABAVKE

Član 2.

(1) Predmet nabavke je nabavka roba i radova za „adaptaciju-rekonstrukciju pasivne mreže” u objektima Zavoda zdravstvenog osiguranja Kantona Sarajevo što uključuje isporuku opreme i izvođenje radova na:

- Zamjeni postojećih pasivnih elemenata računarske mreže;
- Proširenju računarske mreže;
- Izgradnji novih mrežnih segmenata;
- Isporuka, montaža i puštanje u rad bežične mrežne opreme;
- Izvršiti testiranje i izdati atest za izvršene radove.

(2) Predmet nabavke i ugovorene količine su navedeni ispod te isti moraju da zadovoljavaju kvalitet, količine i tehničke karakteristike navedene u ovom članu Okvirnog sporazuma, u tenderskoj dokumentaciji broj 03-08-Dž.H.N.-11121-PP-TD/18 i ponudi dobavljača broj PON-

100/19. U tehničkoj specifikaciji su navedene maksimalne količine po stavkama, obračun i plaćanje se vrši po stvarno utrošenim količinama.



Komponenta 1: adaptacija-rekonstrukcija pasivne mreže			
R.br.	Opis	Jed.mjere	Količina
1.	Demontaža postojećih računarskih i telefonskih instalacija, što uključuje sve kablove, patch panele, ormare za patch panele	komplet	1
2.	Isporuca opreme i provlačenje kablova u postojeće kanalice, prosječna dužina 60m	komplet	700
3.	Isporuca opreme i provlačenje kablova prosječne dužine 60m djelomično u postojeće kanalice, djelomično sa ugradnjom dodatnih kanalicica	komplet	200
4.	Isporuca i ugradnja okvira sa 2 priključna mjesta, te terminiranje i označavanje S/FTP kablova	kom.	400
5.	Isporuca i ugradnja okvira sa 1 priključnim mjestom, te terminiranje i označavanje S/FTP kablova	kom.	80
6.	Isporuca i ugradnja patch panela opremljenog sa 24 RJ-45 priključna mjesta, te završavanje S/FTP kablova	kom.	30
7.	Isporuca i ugradnja voice panela 1U opremljenog sa 50 priključnih mjesta, sa završavanjem postojećih telefonskih kablova	kom.	12
8.	Isporuca i ugradnja voice panela 1U opremljenog sa 24 priključna mjesta, sa završavanjem postojećih telefonskih kablova	kom.	2
9.	Ethernet prespojni kablovi dužine 0.5m min cat6	kom.	500
10.	Ethernet prespojni kablovi dužine 1m min cat6	kom.	50
11.	Ethernet prespojni kablovi dužine 2m min cat6	kom.	100
12.	Ethernet prespojni kablovi dužine 3m min cat6	kom.	50
13.	Napojna letva 19" sa 8x shuko utičnica+prenaponska zaštita, 1U kabel 2m	kom.	15
14.	Ormar za komunikacijsku opremu sa odvojivim bočnim stranicama sa ventilacijskom jedinicom min (600x900x495, 19", 18U)	kom.	15
15.	Testiranje i izdavanje atesta za izvršene radove	kom.	1

Komponenta 2: bežični pristupni mrežni uređaj			
R.br.	Opis	Jed.mjere	Količina
16.	Bežični pristupni mrežni uređaj	kom.	18

- (3) Tehnička specifikacija za robu iz komponente 2 je kako slijedi:
- Uređaj koji istovremeno obavlja funkcije kontrolera bežičnih pristupnih uređaja i samog uređaja (poslužuje klijente – korisnike bežične mreže)
 - Automatski izbor glavnog AP u mreži, koji će obavljati i funkciju kontrolera
 - U slučaju ispada glavnog AP u mreži, automatski izbor novog glavnog AP i uspostavljanje bežične mreže
 - Mogućnost formiranja mreže sa 25 pristupnih uređaja bez dodatne licence
 - Podržan rad min. 500 klijenata



- f) Mogućnost konfigurisanja min. 12 bežičnih mreža
 - g) WLAN-VLAN mapiranje
 - h) WLAN za goste uz Web autorizaciju
 - i) Mogućnost prepoznavanja do 100 „lažnih“ AP i do 1000 „lažnih“ klijenata
 - j) Samo-optimizirajuća mreža (promjena kanala na osnovu prisutne interferencije)
 - k) Upravljanje i nadzor mreže putem integrisane Web aplikacije (servera), te SSH/telnet protokola
 - l) QoS
 - m) Prepoznavanje aplikacija na osnovu detaljne analize paketa sa min. 1200 predložaka (signatures)
 - n) WLAN ACL
 - o) High Density Experience (HDX)
 - p) Radio Resource Management (RRM)
 - q) WPA2
 - r) Lokalna EAP autentikacija
 - s) NTP, LLDP, SNMP, TACACS
 - t) IEEE 802.11k, IEEE 802.11r
 - u) Fast SSID
 - v) Voice with Call admission control (CAC), with Traffic Specification (TSpec)
 - w) IEEE 802.11 a/b/g/n/ac
 - x) IEEE 802.11ac karakteristike
 - a. 3x3 MIMO with two spatial streams
 - b. Multiuser MIMO
 - c. Maximal ratio combining (MRC)
 - d. 802.11ac beamforming
 - e. 20/40/80 MHz kanali
 - f. Brzina prenosa: 867 Mbps
 - g. Packet aggregation: A-MPDU (Tx/Rx), A-MSDU (Tx/Rx)
 - h. 802.11 dynamic frequency selection (DFS)
 - i. Cyclic shift diversity (CSD)
 - y) Integrisana antena
 - a. omnidirekciona sa dobitkom od 3 dBi na 2.4 GHz
 - b. omnidirekciona sa dobitkom od 5 dBi na 5 GHz
 - z) Interfejsi:
 - a. 100/1000BASE-T autosensing (RJ-45)
 - b. Konzolni port
 - c. USB
 - d. Statusni LED indikatori
 - e. Memorija: min 1 GB DRAM i 256 MB Flash
 - aa) Napajanje: PoE u skladu sa IEEE 802.3af/at
- (4) Tehnička specifikacija za pripadajuće usluge iz komponente 2 je kako slijedi:
- a) Montaža i povezivanje isporučene opreme
 - b) Konfiguracija mrežne i Windows Server infrastrukture, te bežične pristupne mreže sa 2 WLAN SSID:
 - i. Guest mreža sa pristupom Internetu koristeći presharedkey autentikaciju
 - ii. Poslovna mreža sa 802.1X autentikacijom integrisano u Windows server okruženje naručioca (Active Directory Domain Services, Certificate Services, Network Policy Server)
 - c) Izrada dokumentacije izvedenog stanja

(5) Dobavljač je dužan u svim objektima izvršiti zamjenu postojećih pasivnih elemenata mreže – kablovi, patch paneli, ormari i priključna mjesta uz određeno proširenje mreže. U objektu poslovnice Ugovornog organa Stari Grad-Centar planirana je demontaža svih postojećih elemenata i instalacija novih, uključujući i kablovske kanale. U okviru projekta će se uraditi i konsolidacija računarskih i telefonskih instalacija koristeći koncept strukturalnog kabliranja.

(6) Dobavljač je saglasan da sve instalacije trebaju biti obavljene koristeći S/FTP kablove strukturne mreže propusnosti od 10 Gbit/s na dužinu od 90m, koristeći opremu vodećih proizvođača kao npr. Belden, Legrand, Shrack ili ekvivalent.

(7) Dobavljač je saglasan da će se svi radovi raditi izvan radnog vremena: petak popodne – nedelja naveče i eventualno nakon radnog vremena u toku radne sedmice ako se određeni posao može završiti bez remećenja redovnih poslovnih procesa odnosno da ne bude ugroženo obavljanje redovnih radnih zadataka u ZZOKS.

(8) Dobavljač je dužan za sve izvršene radove izraditi dokumentaciju izvedenog stanja.

(9) Dobavljač je dužan obezbijediti sav instalacioni i montažni material koji je potreban za puštanje opreme u rad (nosače, vodilice kabla, itd.) uključujući i odgovarajuće splitere za telefonske aparate

(10) Dobavljač je dužan obezbijediti garanciju na izvršene radove i opremu za komponentu 1 u trajanju od minimalno 1 godinu od puštanja u rad, a za komponentu 2 minimalno 5 godina od puštanja u rad uz pružanje servisne podrške u toku garantnog roka.

(11) Dobavljač je dužan za komponentu 2, da u toku cijelog trajanja garantnog roka bude autorizovan od strane proizvođača za prodaju uređaja te je dužan obezbijediti ovlašteni servis za iste u toku trajanja garantnog roka.

(12) Dobavljač je dužan da za vrijeme trajanja Okvirnog sporazuma sa Ugovornim organom zadovolji sljedeće posebne uslove u smislu profesionalne osposobljenosti tj. mora imati na raspolaganju sljedeća tehnička lica tj. stručnjake koji će biti angažovani na implementaciji Okvirnog sporazuma (stalno uposlene ili ugovorno angažovane) kako slijedi:

- a) Minimalno jedno (1) angažovano lice sa „Cisco Certified Network Professional – Wireless“ ili ekvivalentnom specijalizacijom proizvođača čiju bežičnu opremu nudi na ovom tenderu.
- b) Minimalno jedno (1) angažovano lice sa „Cisco Certified Network Professional – Routing & Switching“ specijalizacijom ili ekvivalentnom specijalizacijom proizvođača čiju bežičnu opremu nudi na ovom tenderu.

Član 3.

Mjesto dostavljanja roba i izvođenja radova je:

- a) Direkcija Zavoda zdravstvenog osiguranja Kantona Sarajevo, ul. Ložionička broj 2;
- b) Gradska poslovnica za općine Stari Grad i Centar, ul. Hamdije Kreševljakovića 14;
- c) Gradska poslovnica za općine Novo Sarajevo i Novi Grad, ul. Zmaja od Bosne bb;
- d) Poslovnica Ilidža sa ispostavom Trnovo, ul. Emira Bogunića Čarlija 17;
- e) Poslovnica Hadžići, ul. Hadželi 169;
- f) Poslovnica Ilijaš, ul. 126. Ilijaške Brigade 51;
- g) Poslovnica Vogošća, ul. Jošanička 83.

OBAVEZE UGOVORNIH STRANA

Član 4.

Dobavljač se obavezuje dostaviti robe i izvesti radove koji su predmet ovog Okvirnog sporazuma i koji kvalitetom i obimom u svemu odgovaraju karakteristikama preciziranim u tenderskoj dokumentaciji broj 03-08-Dž.H.N.-11121-PP-TD/18, na način i u rokovima regulisanim ovim Okvirnim sporazumom i prihvaćenom ponudom Dobavljača.

Član 5.

(1) Ugovorni organ se obavezuje da od strane Dobavljača primi isporučene robe i izvedene radove ukoliko isti odgovaraju ugovorenom kvalitetu.

(2) Ugovorni organ se obavezuje da nakon isporučenih roba i izvedenih radove koji su predmet ovog Okvirnog sporazuma, saglasno narudžbi i cijeni iz ponude, te otpremnicama isporučene robe i dokumentaciji izvedenog stanja, ukoliko isti odgovaraju ugovorenom kvalitetu, plati ugovorenu cijenu na način i u rokovima određenim tenderskom dokumentacijom broj 03-08-Dž.H.N.- 11121-PP-TD/18, ponudom Dobavljača i ovim Okvirnim sporazumom.

Član 6.

(1) Cijena roba i radova koji su predmet ovog Okvirnog sporazuma ukupno iznosi 130.104,00 KM (slovima: stotridesethiljadastotinuičetiri i 00/100 KM) sa PDV-om. Dobavljač se obavezuje da će robe i radove koji su predmet nabavke isporučiti i obaviti po jediničnim cijenama kako je navedeno u sljedećoj tabeli:

R. br	Opis robe	Jedinica mjere	Količina	Jedinična cijena po stavki bez PDV-a na osnovu rezultata e-aukcije	Ukupna cijena po stavki bez PDV-a
-	-	-	A	B	A x B
KOMPONENTA 1					
1.	Demontaža postojećih računarskih i telefonskih instalacija, što uključuje sve kablove, patch panele, ormare za patch panele.	komplet	1	1.489,31	1.489,31
2.	Isporuca opreme i provlačenje kablova u postojeće kanalice, prosječna dužina 60m	komplet	700	73,63	51.539,49
3.	Isporuca opreme i provlačenje kablova prosječne dužine 60m djelomično u postojeće kanalice, djelomično sa ugradnjom dodatnih kanalic	komplet	200	77,91	15.581,92
4.	Isporuca i ugradnja okvira sa 2 priključna mjesta, te terminiranje i označavanje S/FTP kablova	kom.	400	14,61	5.845,55
5.	Isporuca i ugradnja okvira sa 1 priključnim mjestom, te terminiranje i označavanje S/FTP kablova	kom.	80	9,03	722,32

6.	Isporuka i ugradnja patch panela opremljenog sa 24 RJ-45 priključna mjesta, te završavanje S/FTP kablova	kom.	30	205,62	6.168,54
7.	Isporuka i ugradnja voice panela 1U opremljenog sa 50 priključnih mjesta, sa završavanjem postojećih telefonskih kablova	kom.	12	130,13	1.561,54
8.	Isporuka i ugradnja voice panela 1U opremljenog sa 24 priključna mjesta, sa završavanjem postojećih telefonskih kablova	kom.	2	60,78	121,57
9.	Ethernet prespojni kablovi dužine 0.5m min cat6	kom.	500	2,51	1.256,61
10.	Ethernet prespojni kablovi dužine 1m min cat6	kom.	50	3,54	176,86
11.	Ethernet prespojni kablovi dužine 2m min cat6	kom.	100	4,65	465,41
12.	Ethernet prespojni kablovi dužine 3m min cat6	kom.	50	5,31	265,28
13.	Napojna letva 19" sa 8x shuko utičnica+prenaponska zaštita, 1U kabel 2m	kom.	15	92,9	1.393,44
14.	Ormar za komunikacijsku opremu sa odvojjivim bočnim stranicama sa ventilacijskom jedinicom min (600x900x495, 19", 18U)	kom.	15	444,75	6.671,18
15.	Testiranje i izdavanje atesta za izvršene radove	kom.	1	2.596,99	2.596,99
KOMPONENTA 2					
16.	Bežični pristupni mrežni uređaj	kom.	18	852,44	15.344,00
Ukupna cijena za sve stavke (obje komponente) bez PDV-a					111.200,00
Popust					0
Ukupna cijena sa popustom bez PDV-a					111.200,00
PDV na cijenu ponude (sa uračunatim popustom)					18.904,00
Ukupna cijena za okvirni sporazum					130.104,00

(2) Dobavljač se obavezuje da će robe i radove koji su predmet ovog Okvirnog sporazuma isporučiti i izvesti po ukupnoj cijeni iz stava iznad u kojoj je uračunat PDV, i svi drugi zavisni troškovi (demontaža stare opreme, dostava, montaža i puštanje u rad nove opreme kao i sve ostalo potrebno da bi novi sistem neometano funkcionisao).

(3) Dobavljač je saglasan da je u cijenu uključen sav instalacioni i montažni materijal koji je potreban za puštanje opreme u rad (nosači, vodilice kabla, itd.) uključujući i odgovarajuće splittere za telefonske aparate. U cijenu je također uključen servis za komponentu 2 u toku trajanja garantnog roka od 5 godina od puštanja u rad.

(4) Dobavljač je saglasan da su navedene količine u tabelama u ovom članu maksimalne količine po stavkama, a obračun i plaćanje se vrši po stvarno utrošenim količinama koje će zavisiti od potreba Ugovornog organa. Ugovorni organ se **NE obavezuje** da će količine navedene u ovom Okvirnom sporazumu biti realizirane u potpunosti.

Član 7.

(1) Plaćanje Dobavljaču će se izvršiti nakon isporučenih roba i izvedenih radova koji su predmet ovog Okvirnog sporazuma a na osnovu ispravno dostavljene fakture Ugovornom organu uz koju mora biti priložena narudžbenica, otpremnica za robe i dokumentacija izvedenog stanja za radove.

(2) Rok za računanje odgode plaćanja započinje od momenta kada Dobavljač isporuči robe i obavi radove te ispravno dostavi fakturu Ugovornom organu.

(3) Cijenu će Ugovorni organ isplatiti u roku do 60 dana od dana ispravnog dostavljanja fakture kako je navedeno u stavu (1) i (2) ovog člana.

ROK ISPORUKE

Član 8.

(1) Rok za isporuku roba i izvođenje svih vezanih radova je 4 mjeseca od dostavljanja narudžbenice od strane Ugovornog organa.

(2) Dobavljač je dužan da robu koja je predmet ovog okvirnog sporazuma isporuči samo ovlaštenim osobama ispred Ugovornog organa, koje će ovjeriti otpremnice za robe i dokumentaciju izvedenog stanja za radove, kao dokaz o primljenoj robi i izvedenim radovima.

Član 9.

(1) Dobavljač ima pravo na produženje ugovorenog roka ako je u isporuci robe ili obavljanju radova koji su predmet ovog Okvirnog sporazuma bio spriječen izvanrednim događajima koji se nisu mogli predvidjeti u vrijeme zaključenja ovog Okvirnog sporazuma.

(2) Izvanrednim događajima se smatraju:

- a) prirodni događaji koji se smatraju višom silom (poplave, zemljotres i druge prirodni nepogode),
- b) mjere državnih organa.

(3) Dobavljač je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

Član 10.

Ako Dobavljač zakasni sa isporukom robe ili izvođenjem radova koji su predmet ovog Okvirnog sporazuma iz razloga koji nisu obuhvaćeni članom 9. ovog Okvirnog sporazuma, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju i snosit će svu štetu za Ugovorni organ (npr. dodatni troškovi, izmakla dobit itd.) nastalu usljed kašnjenja sa izvršenjem.

GARANCIJA NA ROBU I RADOVE

Član 11.

(1) Ugovorni organ može da od dobavljača zahtjeva zamjenu robe, ukoliko se uvidi da je roba koja je dostavljena tj. radovi koji su izvedeni neadekvatnog kvaliteta, odnosno razlikuju se od ugovorenih u ovom Okvirnom sporazumu.

(2) Garancija se odnosi i na robe i na radove.

(3) Garantni rok za komponentu 1 tj. na izvršene radove i opremu iz komponente 1 je 1 (jedna) godina od puštanja u rad.

(4) Garantni rok za komponentu 2 je 5 (pet) godina od puštanja u rad uz pružanje servisne podrške u toku garantnog roka.

(5) Vežano za komponentu 2. Dobavljač je dužan da bude autorizovan od strane proizvođača za prodaju uređaja i da obezbijedi ovlašteni servis za iste u toku trajanja garantnog roka.

GARANCIJA ZA UREDNO IZVRŠENJE OKVIRNOG SPORAZUMA

Član 12.

(1) Dobavljač se obavezuje dostaviti Ugovornom organu garanciju za uredno izvršenje ovog ugovora tj. okvirnog sporazuma u vidu bezuslovno originalne bankarske garancije prvoklasne poslovne banke, u roku od petnaest (15) dana od dana obostranog potpisivanja Okvirnog sporazuma.

(2) Iznos garantnog depozita će biti plativ Ugovornom organu kao kompenzacija za bilo koji gubitak koji bi bio prouzrokovan ako Dobavljač ne uspije da izvrši svoje obaveze po ovom Okvirnom sporazumu.

(3) Visina garantnog depozita je 10 (deset) % od ugovorene vrijednosti i biće iskazana u valuti Okvirnog sporazuma ili u konvertibilnoj valuti prihvatljivoj od strane Ugovornog organa, sa rokom važnosti, vrijeme trajanja Okvirnog sporazuma plus 60 (šezdeset) dana.

(4) Ako Dobavljač ne dostavi garanciju za uredno izvršenje Okvirnog sporazuma u roku iz stava 1. ovog člana, ovaj Okvirni sporazum se smatra apsolutno ništavnim.

NAKNADA ŠTETE

Član 13.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

Član 14.

(1) Ukoliko Dobavljač ne isporučiti neke robe ili ne izvede neke radove kako je navedeno u narudžbenici Ugovornog organa, dužan je Ugovornom organu nadoknaditi štetu u vrijednosti iste. Ugovorni organ je ovlašćen da ovu štetu naplati umanjnjem pristiglih a neplaćenih faktura, za vrijednost neisporučenih roba i neizvedenih radova.

(2) U slučaju neurednog izvršavanja ili zakašnjenja u izvršavanju ugovornih obaveza od strane Dobavljača, a kao rezultat nepažnje Dobavljača ili njegovog osoblja, neovisno da li je nastupila šteta takvim postupanjem, Ugovorni organ ima pravo da Dobavljaču plaćanje po fakturi za isporučene robe i obavljene radove u kašnjenju umanjji za iznos do 20% od iznosa fakture.

(3) Ukoliko usljed nemara ili krivice Dobavljača Ugovorni organ pretrpi štetu, Dobavljač je dužan naknaditi štetu Ugovornom organu u stvarnom iznosu.



Član 15.

(1) Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

(2) Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

PRESTANAK OKVIRNOG SPORAZUMA

Član 16.

Okvirni sporazum prestaje njegovim izvršenjem, odnosno obostranim ispunjenjem ugovornih obaveza ugovornih strana a najkasnije u roku od jedne (1) godine dana od datuma obostranog potpisivanja Okvirnog sporazuma.

Član 17.

(1) Okvirni sporazum može prestati i prije njegovog izvršenja, u slučaju raskida.

(2) Obje ugovorne strane mogu raskinuti ovaj Okvirni sporazum:

- a) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
- b) u svim ostalim slučajevima propisanim zakonom.

(3) Ugovorna strana koja želi da raskine Okvirni sporazum je dužna prethodno pisanim putem pozvati drugu ugovornu stranu na ispunjenje ugovorene obaveze.

(4) Okvirni sporazum se raskida pismenom izjavom koja se dostavlja drugoj ugovornoj strani.

(5) U izjavi mora biti naznačeno po kom osnovu se Okvirni sporazum raskida, kao i dostavljen dokaz da je druga ugovorna strana prethodno, također pisanim putem, pozvana na ispunjenje ugovorene obaveze.

(6) U svakom slučaju Okvirni sporazum se ne može raskinuti zbog neizvršenja neznatnog dijela ugovornih obaveza.

Član 18.

(1) Ugovorni organ može raskinuti ovaj Okvirni sporazum:

- a) ako Dobavljač ne izvrši ugovorenu obavezu u pogledu kvaliteta tj. ako se utvrdi da isporučene robe i izvedeni radovi ne ispunjavaju kriterije iz ponude temeljem kako je zaključen Okvirni sporazum;
- b) ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima;
- c) ako je zaostajanje u isporuci robe i obavljanju radova koji su predmet Okvirnog sporazuma takvo da može dovesti u pitanje izvršenje Okvirnog sporazuma ali samo ako je do zaostajanja došlo krivicom Dobavljača;
- d) u svim ostalim slučajevima propisanim zakonom.

(2) Iz razloga propisanih stavom 1. alineje a), c) i d) ovog člana Ugovorni organ može raskinuti ovaj Okvirni sporazum samo ako je prethodno upućen pisani poziv Dobavljaču sa zahtjevom za ispunjenjem ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

Član 19.

(1) Dobavljač može da raskine Okvirni sporazum ako Ugovorni organ uslijed vlastite krivice ne izvrši svoje ugovorne obaveze.

(2) U svakom slučaju Dobavljač neće moći raskinuti Okvirni sporazum bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

OSTALE ODREDBE

Član 20.

(1) Svi sporovi koji eventualno nastanu iz ovog Okvirnog sporazuma rješavat će se međusobnim sporazumom ugovornih strana.

(2) Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

Član 21.

Dobavljač kojem je dodijeljen Okvirni sporazum nema pravo zapošljavati, u svrhu izvršenja Okvirnog sporazuma fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Okvirnog sporazuma, odnosno od početka realizacije Okvirnog sporazuma.

Član 22.

Za sve ono što nije regulisano ovim Ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 23.

Sastavni dio ovog Okvirnog sporazuma su:

- a) tenderska dokumentacija broj: 03-08-Dž.H.N.-11121-PP-TD/18;
- b) Prihvaćena ponuda Dobavljača broj: PON-100/19 od 29.01.2019. godine;
- c) Odluka o izboru broj: 03-08-Dž.H.N.-11121-OI/18 od 22.03.2019. godine.

Član 24.

(1) Ovaj Okvirni sporazum stupa na snagu danom potpisivanja od strane obje ugovorne strane.

(2) Ukoliko ugovorne strane ne potpišu Okvirni sporazum na istovjetan datum, danom stupanja na snagu Okvirnog sporazuma ima se smatrati kasniji datum potpisa.



Član 25.

Ovaj Okvirni sporazum zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Dobavljač

MIBO KOMUNIKACIJE
d.o.o. Sarajevo

● ● ● ●

Marko Božićančić

● ●



Broj: 178/19
Datum: 26/6/2019

Ugovorni organ

ZAVOD ZDRAVSTVENOG
OSIGURANJA
KANTONA SARAJEVO

● ● ● ● ● ●

Zilba Ademaj, dipl.occ.

●



Broj: 03-08-Dž.H.N.-11121-PP-UG/18
Datum: 11.06.2019. godine

